

Rregullore

“Për përjashtimin në bllok të marrëveshjeve dhe praktikave të bashkrenduara në Sektorin e Sigurimeve¹”

Neni 1

Përkufizime

Në kuptim të kësaj rregulloreje, shprehjet e mëposhtme do të kenë këto kuptime:

1. “Marrëveshje”- është ajo marrëveshje, ose një vendim i një grupim ndërmarrjesh ose shoqatë, ose një praktikë e bashkrenduar;
2. “Ndërmarrje pjesëmarrëse”- janë ndërmarrjet që janë pjesë e marrëveshjes, si dhe ndërmarrjet e tjera të lidhura me to.
3. “Ndërmarrje të lidhura” janë ato ndërmarrje në të cilat:
 - a)* njëra palë në marrëveshje, e cila përfshihet drejtpërdrejtë, ose jo-drejtpërdrejtë me:
 - i) më tepër sesa gjysmën e votave; ose
 - ii) të drejtën për të emëruar më shumë se gjysmës së anëtarëve të Këshillit Mbikqyrës, të këshillit administrativ, ose organeve ligjërishit përfaqesuese të ndërmarrjes; ose
 - iii) të drejtën e administrimit të çështjeve tregtare.
 - b) zotërojnë mbi një ndërmarrje që është pjesë e marrëveshjes (drejtpërdrejtë, ose jo-drejtpërdrejtë), të drejtat, ose pushtetet e përcaktuara dhe të rradhitura në pikën a, si mësipër;
 - c) ato mbi të cilat një ndërmarrje e përmendur në pikën b) zotëron drejtpërdrejtë, ose jo-drejtpërdrejtë, të drejta ose pushtete të renditura në pikën a;
 - d) zotërojnë së bashku të drejta, ose pushtete të rradhitura në pikën “a”, brenda një ndërmarrje pjesë e marrëveshjes dhe një, ose me shume ndërmarrje të shënuara në pikat a, b, c, (ose dy, ose me shumë se dy nga këto ndërmarrje të fundit).

¹ Rregullorja e Komisionit nr.267/2010 e datës 24 Mars 2010 “Mbi zbatimin e nenit 101/3 të Traktatit të funksionimit të BE-së për kategoritë e marrëveshjeve dhe praktikave të bashkrenduara në sektorin e Sigurimeve” (CE) (JO L83/1, 30/03/2010)

- Përkufizim i marrë nga dispozita analoge e Rregulloresë së marrëveshjeve *per se*

- e) janë ndërmarrjet ku të drejtat ose pushtetet e renditura në pikën a mbahen bashkarisht prej:
- i) Palëve në marrëveshje, ose ndërmarrjeve të lidhura, përkatësisht sipas pikave “a” deri në “d”; ose
- ii) një, ose shumë palëve të marrëveshjes, ku një, ose shumë ndërmarrje të tyre kanë lidhje të përcaktuara në pikat nga “a” në “d”, si dhe një, ose shumë palë të treta;

4. *”Grupimet e bashksiguruesve”* janë grupime të themeluara midis:

- disa Ndërmarrje sigurimesh në mënyrë të:- drejtpërdrejtë
- me ndërmjetësimin e përfaqësuesve;
- ose të agjentëve të autorizuar, me përjashtim të marrëveshjeve të bashksiguruesve të krijuar posaçërisht ; duke konkluduar mbi një nëntreg, një pjesë e përcaktuar nga një rrezik të dhënë dhe duke qenë mbuluar nga një sigurues dhe nga pjesa e qëndrueshme e rrezikut, ose
- nga të tjerë bashksigurues, që janë të ftuar në mbulimin e këtij të fundit, të cilët:
 - a) Zotohen të nënshkruajnë, në emër dhe për llogari të gjithë pjesëmarrësve në sigurim një kategori të përcaktuar të rreziqeve; ose
 - b) Autorizojnë nënshkrimin dhe administrimin e sigurimeve të një kategorie të përcaktuar rreziqesh, në emër të tyre dhe për llogari të tyre, me njërin ndërmjetës tyre, ose me një ndërmjetës së përbashkët të krijuar për këtë qëllim.

5) *”Grupimet e risiguruesve të përbashkët”* janë grupime të ndërmarrjeve të sigurimit, duke qenë të drejtpërdrejta, ose të ndërmjetësuara me përfaqësues (broker), ose agjentë të autorizuar, rasti ---kur kemi konkurim të një (ose më shumë ndërmarrjeve të sigurimit), me përjashtim të marrëveshjeve të risigurimit të përbashkët të përkohshme, të përfshirë në një nëntreg; një pjesë e përcaktuar nga një rrezik i dhënë duke qenë i mbuluar nga një ndërmarrje kryesigures dhe pjesa e mbetur e këtij rreziku nga të tjerë bashksigurues, të cilat pra janë të ftuara në mbulimin e këtij të fundit, për të:

- a) risiguruar solidarisht ndaj të gjithëve, një pjesë të përcaktuar nga një kategori përkatëse e rreziqeve;
- b) pranuar në emër dhe për llogari të gjithë pjesëmarrësve në risigurimin të së njëjtës kategori të rreziqeve;

6) *”Rreziqet e reja”* do quhen ato:

- a) rreziqe, të cilët nuk ekzistojnë më parë dhe ku mbulimi financiar i nevojshëm për hedhjen në treg të një shërbimi sigurues tërësisht të ri nuk mund të konsistojnë në përmirësimin, rritjen, ose zëvendësimin e një shërbimi sigurimi tërësisht të ri ose ekzistues; ose

b) rreziqe me tituj përjashtimorë, ku natyra e të cilëve (mbi bazën e një analize objektive), ka ndryshuar deri në atë masë, aq sa nuk është më e mundshme të përcaktohet paraprakisht kapaciteti përkatës, i nevojshëm për mbulimin e tyre.

7) “*Primi i shitjes*” - quhet çmimi i faturuar tek blerësi i një police sigurimi.

Kreu II

Llogaritjet e rrezikut, tabelave dhe studimeve të përbashkëta

Neni 2

Përjashtimi

Në përputhje me nenin 6, të ligjit nr.9121, datë 28.07.2003 “Për Mbrojtjen e Konkurrencës”, si dhe nën rezervën e dispozitave të kësaj rregulloreje, neni 4, i po atij ligji, nuk do të zbatohet mbi marrëveshjet, të cilat janë lidhur midis dy, ose më shumë ndërmarrjeve (në sektorin e sigurimeve), të cilat kanë të bëjnë me:

a) përpunimin dhe shpërndarjen e përbashkët të informacioneve të nevojshme për qëllimet e mëposhtme:

i) të llogaritjes së kostos mesatare për mbulimin e një rreziku të caktuar në të kaluarën (këtu e në vijim “përmbledhse”)

ii) të hartimit *tabelave* të vdekshmërisë dhe të rasteve të sëmundjeve, aksidenteve dhe invaliditetit të lidhura me policën e sigurimit, duke përfshirë një element të kapitalizimit (këtu e në vijim- “tabelat”)

b) realizimin e *studimeve* të përbashkëta mbi pasojat e mundshme të rrethanave të jashtme e të përgjithshme, për ndërmarrjet e përfshira: si frekuenca, ose treguesi i dëmeve të ardhshme për një rrezik, ose një kategori rreziqesh të dhëna, si dhe duke u zbatuar mbi rentabilitetin e tipave të ndryshme të investimit (këtu e më poshtë “studimet”), si dhe shpërndarja e rezultateve nga këto studime.

Neni 3

Kushtet për përjashtim

1. Përjashtimi i përcaktuar në nenin 2(a) do të zbatohet me kusht që përmbledhset, studimet, ose tabelat:

(a) të jenë të bazuara mbi mbledhjen e të dhënave, të shpërndara në një numër vitesh risku, të zgjedhura si një periudhë vëzhgimi, e cila lidhet me risqe identike, ose të krahasueshme në një shifër të mjaftueshme për të qenë baza. Kjo bazë mund të mbahet në mënyrë statistikore dhe mund të japë shifrat për sa si vijon dhe ndër të tjera:

- (i) numri i pretendimeve për dëme gjatë periudhës së vëzhgimit;
- (ii) numri i rreziqeve individuale të siguruara në çdo vit rreziku(risku) të periudhës së zgjedhur të vëzhgimit;
- (iii) shuma totale e paguar, ose e pagueshme në lidhje me dëmet e pretenduara që janë shfaqur gjatë periudhës së dhënë;
- (iv) shuma totale e kapitalit të siguruar për çdo vit rreziku, gjatë periudhës së zgjedhur të vëzhgimit;

(b) të përfshihen sipas detajimit, ; ose

(c) nuk përfshihen elemente për të papriturat, të ardhurat që vijnë nga rezervat, kostot administrative apo tregtare, ose kontributet para tatimit. Nuk do të merren në konsideratë as të ardhurat nga investimet, si dhe përfitimet e parashikuara.

2. Përjashtimet e përcaktuara në nenin 2 do të zbatohen me kushtin që përmbledhëset, tabelat, ose rezultatet e studimeve:

- (a) Nuk identifikojnë ndërmarrjen e sigurimit ndaj së cilës pretendohet dëmi, ose ndonjë nga palët e siguruara;
- (b) Kur janë përpiluar dhe shpërndarë, duke përfshirë tregues të karakterit të tyre jo-detyrues;
- (c) Nuk përmbajnë ndonjë të dhënë mbi nivelin e primeve të shitjes;
- (d) I janë vënë në dispozicion me kushte të arsyeshme, të përballueshme dhe jo-diskriminuese çdo ndërmarrjeje siguroese, të cilat kërkojnë një kopje të tyre, duke përfshirë edhe ndërmarrjet që nuk janë aktive në tregun gjeografik, ose tregun e produktit, të cilit i referohen këto përmbledhse, tabela dhe rezultate studimi;
- e) I janë vënë në dispozicion, me përjashtim kur mungesa e komunikimit të informacionit justifikohet objektivisht; mbi baza të sigurisë publike, me kushte të arsyeshme, të përballueshme dhe jo-diskriminuese, organizatave të konsumatorëve ose të klientëve, të cilat kërkojnë akses tek to në kushte të caktuara dhe për arsye të justifikuara.

Neni 4

Marrëveshjet që nuk mbulohen nga përjashtimi

Përjashtimet e parashikuara në Nenin 2 nuk do të zbatohen kur ndërmarrjet pjesëmarrëse hyjnë në një ndërveprim, ose në një marrëveshje mes tyre, ose detyrojnë ndërmarrje të tjera të mos përdorin përmbledhse, ose tabela të

ndryshme nga ato të përcaktuara në Nenin 2(a), ose të ndryshme nga rezultatet e studimeve të dhëna në Nenin 2(b).

KREU III

MBULIMI I PLOTW I LLOJEVE TË CAKTUARA TË RREZIQEVE

Neni 5

Përrjashtimi

Në bazë të nenit 6, të Ligjit, si dhe me rezervën e dispozitave të kësaj rregulloreje, pika 1 e nenit 4 të ligjit në fjalë, nuk do të zbatohet për marrëveshjet e lidhura mes dy, ose më tepër ndërmarrjeve në sektorin e sigurimeve, me synim krijimin dhe funksionimin e “pool-it” të ndërmarrjeve të sigurimit, ose risigurimit, për mbulimin e plotë të një kategorie të veçantë rreziqesh, nën formën e bashkësigurimit, ose bashkerisigurimit.

Neni 6

Zbatimi i përrjashtimit dhe kufijtë e pjesëve të tregut

1.Për sa i përket pool-it të sigurimit, ose risigurimit të përbashkët, i cili është krijuar posaçërisht për te mbuluar rreziqet e reja, përrjashtimi i parashikuar në nenin 5, do të zbatohet për një periudhë 3 (tre) vjeçare nisur nga data fillestare e pool-it, pavarësisht pjesës së tregut të kësaj të fundit.

2.Përrsa i përket pool-eve të sigurimit, ose risigurimit të përbashkët, të cilat nuk përrfshihen në fushën e zbatimit të pikës 1 si mësipër, përrjashtimi i parashikuar në nenin 5 do të zbatohet për aq kohë sa kjo rregullore të jetë në fuqi, me kushtin që pjesa e përbashkët e tregut të ndërmarrjeve pjesmarrëse të mos tejkalojë:

(a) 20 % të tregut përkatës,në rastin e pool-eve të bashksigurimit;

(b) 25 % të tregut përkatës në rastin e pool-eve të bashkrisigurimit;

3. Në përlllogaritjen e pjesës së përbashkët të tregut, për ndërmarrjet pjesëmarrëse në tregun përkatës, duhen marrë parasysh :

(a) pjesa e tregut të ndërmarrjes pjesëmarrëse në kuadër të pool-it në fjalë;

(b) pjesa e tregut të ndërmarrjes pjesëmarrëse brenda një tjetër pool-i, por në të njëjtin treg përkatës sikurse pool-i në fjalë, në të cilin ndërmarrja pjesëmarrëse është palë; si dhe

(c) pjesa individuale e tregut të ndërmarrjes pjesëmarrëse në të njëjtin treg përkatës me atë të pool-it në fjalë, por jashtë kuadrit të çdo pool-i.

4. Me synim zbatimin kufijve të pjesës së tregut përkatës të parashikuar në pikën 2 të këtij neni, rregullat e mëposhtme duhet të zbatohen kur:

(a) Pjesa e tregut do të llogaritet në bazë të të ardhurave nga primet bruto. Në qoftë se të dhënat e të ardhurave nga primet bruto nuk janë të disponueshme, vlerësimet do të bëhen në bazë të një informacioni tjetër të besueshëm të tregut, duke përfshirë sigurimin e dhënë apo vlerën e rrezikut të siguruar, e cila mund të përdoret për të përcaktuar pjesën e tregut të ndërmarrjes në fjalë;

(b) Pjesa e tregut do të llogaritet në bazë të të dhënave që lidhen me vitin paraardhës kalendarik.

5. Kur pjesa e tregut të përmendur në pikën 2(a), nuk është fillimisht me shume se 20 %, por më pas rritet në vazhdim, pa kaluar nivelin 25 %, përjashtimi i parashtruar në nenin 5 do të vazhdojë të zbatohet për një periudhë prej dy vitesh kalendarike të njëpasnjëshme pas vitit në të cilin pragu prej 20% është tejkaluar për herë të parë.

6. Kur pjesa e tregut të përmendur në pikën 2(a) fillimisht s'është më shumë se 20%, por më pas rritet në mbi 25 %, përjashtimi i parashikuar në nenin 5 do të vazhdojë të zbatohet për një periudhë prej 1 viti kalendarik pas vitit në të cilin pragu prej 25 % është kaluar për herë të parë.

7. Përfitimi nga pikat 5 dhe 6 nuk duhet të kombinohet për të tejkaluar një periudhë prej dy vitesh kalendarike.

8. Kur pjesa e tregut të parashikuar në pikën 2(b) fillimisht nuk kalon më shumë se 25%, por më pas ngrihet mbi atë nivel, por pa kaluar 30%, përjashtimi

i parashikuar në nenin 5, do të vazhdojë të aplikohet për një periudhë prej dy vitesh kalendarike të njëpasnjëshme, pas vitit në të cilën pragu prej 25% është tejkaluar për herë të parë.

9. Kur pjesa e tregut e përmendur në pikën 2 (b) nuk është fillimisht më shumë se 25%, por më pas ngrihet mbi 30%, përjashtimi i parashikuar në nenin 5, do të vazhdojë të zbatohet për një periudhë prej një viti kalendarik pas vitit në të cilin niveli prej 30% është tejkaluar për herë të parë.

10. Përfitimi nga pikat 8 dhe 9 s'mund të kombinohet për të tejkaluar një periudhë prej dy vitesh kalendarike.

Neni 7

Kushtet e përjashtimit

Përjashtimi i parashikuar në nenin 5 do të zbatohet me kusht që:

(a) çdo ndërmarrje pjesmarrëse, që ka dhënë një periudhë të arsyeshme njoftimi, ka të drejtën të tërhiqet pa asnjë sanksion; b) rregullat e pool-it nuk detyrojnë asnjë ndërmarrje pjesmarrëse të sigurojë, ose risigurojë nëpërmjet tij dhe të mos kufizojë asnjë ndërmarrje pjesmarrëse në këtë pool nga sigurimi ose risigurimi jashtë pool-it, pjesërisht apo tërësisht në një rrezik do të mbulohet nga pool-i.

(b) rregullat e pool-it duhet të mos kufizojnë veprimtarinë e tij, apo të ndërmarrjeve të tij pjesmarrëse për asnjë rrezik të vërejtur, për sigurimin dhe risigurimin, në çdo zonë gjeografike të Republikës së Shqipërisë;

(c) marrëveshja nuk kufizon produktin apo shitjet;

(d) marrëveshja nuk ndan tregun apo klientët; dhe

(e) ndërmarrjet pjesmarrëse të ri-sigurimit të përbashkët duht të mos kenë rënë dakord për primet e shitjes, të zbatuara për sigurimin e drejtpërdrejtë.

Kapitulli IV

Dispozitat Përfundimtare

Neni 8

Periudha e vlefshmërisë

Kjo rregullore hyn në fuqi menjëherë dhe do të jetë e vlefshme deri më 31.12.2017